

C A P U T V I I I.

17

Talis fuit Cain, Genes. 4. item Corah, Dathan & Abiram, Num. 16. Saul consulens pythonissam in Endor &c. Apud Virgilium Mezentius Tyrrhenorum rex, impius & tyrannus, dicitur contemptor divum, lib. 7. Aeneid.

ଓରୁବ୍ରାହ୍ମଣଙ୍କାରଙ୍ଗାନ୍ତରେ ପରିଦର୍ଶନ କରିବାକୁ ପରିଚାରିତ କରିଛନ୍ତି

Cap. VII. De Temperantia.

Fuit virtus quæ respicit Deum, sequitur vir-
tus quæ respicit hominem.

2 Hæc duplex est: Respicit enim hominem
vel absolute, vel respectivè.

S C H O L . Quum dico absolute, intelligo hominem per se consideratum. Quum respectivè, intelligo hominem ut est in conversatione cum aliis. Sic enim respectum habet ad alios homines.

3 Virtus quæ hominem absolute respicit, regit hominis appetitum, eumque vel vegetativum vel sensitivum,

4 Vegetativum, ut Nutritivum & Generativum.

5 Virtus quæ regit appetitum nutritivum, dicitur Temperantia.

6 Temperantia est virtus moralis, regens appetitum nutritivum, per quam homo moderatè utitur cibo & potu.

S C H O L . Temperantia vox modò generaliter, mo-
dò specialiter in Ethicis sumitur. In generali significa-
tione accipitur pro mediocritate in omnibus omnino
rebus. Omnes enim virtutes in quâdam temperatione
consistunt, unde Cic. lib. 5. de finibus, Temperantia, in-
quit, est moderatrix omnium commotionum. Qui spe-
cialiter accipiunt, etiam discrepant. Alius enim Tempe-

B